

ACTA XUNTA ORDINARIA DE FACULTADE

Sesión do 13 de febreiro de 2015

Na Sala de Profesores da Facultade de Historia do campus de Ourense, reúnense os membros da Xunta de Facultade, o venres 13 de febreiro de 2015, ás 12.00 horas en segunda e definitiva convocatoria, coa seguinte

ORDE DO DÍA

1. Lectura e aprobación das actas anteriores
2. Informe da Decana
3. Aprobación de modificacións do Regulamento de Régime Interno
4. Aprobación dos Recoñecementos de apoio de actividade docente
5. Aprobación da PDA
6. Aprobación do Manual de Calidade e procedementos
7. Modificación composición Comisión Calidade
8. Recoñecementos de materias pola Comisión Permanente
9. Escrito Plataforma Defensa Castelo Monterrei
10. Modificación Comisión Compensación
11. Tesiña de Susana Blanco Rodríguez
12. Rogos e preguntas

1. Lectura e aprobación da acta anterior

Apróbanse as actas das sesións anteriores por asentimento.

2. Informe da Decana

A decana comenta as seguintes cuestións:

- Desculpa a asistencia de: María López Díaz (tratamiento médico), Alberto Valín Fernández (cita médica); Julio Prada Rodríguez (membro dun tribunal de tese de doutoramento en Santiago) e José Morodo.
- Informa da petición por parte da Xunta de Galicia dun plan de viabilidade, solicitado a todas aquelas titulacións que durante os tres últimos anos non

cubriron a media prescrita de 45/50 estudiantes; este plan terase que presentar no mes de marzo.

- Estase a traballar coa Facultade de Ciencias Empresariais e Turismo para desenvolver o programa de simultaneidade co Grao de Turismo.
- A verificación das reformas propostas da Memoria o pasado curso non se recibiu ata o mes de xuño, polo que non houbo tempo para dar a coñecer de modo axeitado a opción da semipresencialidade. Este ano se vai contratar unha empresa de publicidade, que se encargará de publicitar a titulación e realizar unha campaña de captación dirixida ao alumnado de novo ingreso.
- Segundo coa publicitación da titulación, se fixeron unhas camisetas para toda a comunidade da facultade e alumnos egresados que están tendo moi boa acollida.
- Solicítase á delegación de alumnos que fagan un vídeo para promocionar o centro e se poida mostrar cando se fagan as visitas aos institutos.
- Prégase ao profesorado que faga un esforzo e se involucren no tema da semipresencialidade, incluíndo na plataforma de docencia os temarios, traballos, saídas de estudos, etc.
- Tras unha reunión co reitor, infórmase do acordo de todas as universidades españolas de que ata o curso 2017-18 non se van implantar os graos de 3 anos e os máster de 2 anos.
- Se están a preparar as xornadas do centro, que serán os vindeiros 11 e 12 de marzo en colaboración coa delegación de alumnos e se están a organizar diferentes actividades das que se darán conta oportunamente.
- Debido ó cambio da equipa decanal, farase o cambio preceptivo na presidencia das distintas comisións, deixando o cargo Beatriz Comendador Rey e ocupándose Susana Reboreda Morillo. Tamén na secretaría MCarmen Arribas Álvarez substituirá a María del Carmen Fernández Contreras.
- Como obxectivo a medio prazo, en referencia á calidade, está a acreditación do título e a avaliación do sistema de calidade do centro. Estes obxectivos prevense acadar no curso 2017-18.
- Infórmase do cambio do modelo de facturas, que agora será en formato electrónico.
- A vicerreitoría do campus vai organizar o vindeiro 24 de marzo unha Xornada do Campus da Auga. Se dará prioridade á Facultade de Historia e á Facultade

de Ciencias. Nela se impartirán charlas coa temática de investigación e a auga, así como unha visita guiada aos laboratorios e un concurso de fotografía.

- A Área de apoio á docencia e calidade solicitounos una persoa que se encargue da tarefa da planificación das enquisas de avaliación docente, este traballo o realizará a secretaria do decanato.

3. Aprobación de modificacións do Regulamento de Régime Interno

Acórdase que as convocatorias das reunións da xunta de facultade e comisións se fagan só on line, deste xeito aforramos en papel.

A Comisión de Calidade non aparecía reflectida no regulamento polo que se acorda incluíla. A xunta de facultade delegará nela diversos aspectos relacionados coa calidade do centro.

4. Aprobación dos Reconocementos de apoio de actividade docente

Despois de salientar que se reduciu notablemente a bolsa de horas, que se concedían a docentes que colaborasen en diversas tarefas co centro, apróbase a proposta sobre asignación das horas por apoio de actividade docente.

5. Aprobación da PDA

Destácase a redución de horas de docencia, polo que hai dúas opcións para cadrar as horas, ou se eliminan 2 materias optativas de 4º ou se reducen grupos en 2º curso. Despois de debater se acorda que o alumnado a través dos seus representantes na xunta de facultade o debatan e o acordado llo comuniquen ó decanto.

Coméntase a opción de que o profesorado que estea acreditado poida solicitar impartir a súa docencia en inglés para o que hai que cubrir unha ficha.

6. Aprobación do Manual de Calidade e procedementos

Introduciríronse diversos cambios no manual de calidade e nos procedementos para mellorar e axilizar os procesos. Apróbase o manual e os procedementos por asentimento.

7. Modificación composición Comisión de Calidade

Entre os cambios introducidos no Manual de Calidade está o cambio de nome e a composición da Comisión de Calidade. Despois dun intercambio de opinións apróbase

a composición da Comisión de Calidade que queda composta polos seguintes membros:

- Decana/Presidenta: Susana Reboreda Morillo
- Coordinadora Calidade: Susana Reboreda Morillo
- Coordinadora de Grao: María López Díaz
- Coordinadora de Mestrados: Beatriz Comendador Rey
- Enlace de Igualdade: Susana Reboreda Morillo
- Representantes do PDI: Antonio Presedo Garazo

Elena de Uña Álvarez

- Representante do alumnado: Xoel Díaz Alonso
- Representante do alumnado egresado: Marta López López
- A Administradora do centro delega en: MCarmen Arribas Álvarez
- Representantes da sociedade: Pablo Sánchez Ferro

Julio Rodríguez González

Invítase á directora do Departamento de Historia, Arte e Xeografía a que se incorpore como membro da Comisión e ela acepta.

8. Recoñecemento de materias pola Comisión Permanente

Para que quede constancia dos recoñecementos que se solicitan apróbase que estes se pasen á consideración da Comisión Permanente do centro.

9. Escrito Plataforma Defensa Castelo Monterrei

Recibido escrito da Plataforma de Defensa do Castelo de Monterrei para que a Facultade de Historia apoie as súas reivindicacións. A vicedecana Beatriz Comendador comenta que non se pode permitir que se constrúa un hotel nun espazo que é de uso público, polo que solicita o apoio da facultade para solicitar a paralización das obras. A profesora Yolanda Barriocanal propón apuntar a necesidade a reconsideración de clasificación do Castelo de Monterrei de Ben de Interés Cultural (BIC), na categoría de Monumento Histórico Artístico, á de Conxunto Histórico e reconsiderar a delimitación do territorio, así como elaborar un plan director para poñer en valor todo o conxunto. A xunta de facultade acorda refrendar o escrito de apoio á plataforma.

10. Modificación Comisión Compensación

Na xunta de facultade do pasado 27 de novembro de 2014 nomeouse erroneamente a comisión de compensación xa que faltaban algúns vogais. Tras un breve debate, acórdase que a comisión quede constituída polos seguintes membros:

Coordinadora titulación/Presidenta: María López Díaz

Vogais representantes PDI: Yolanda Barriocanal López

Elena de Uña Álvarez

Julio Prada Rodríguez

Vogais suplentes PDI: Mercedes Durany Castrillo

Francisco Javier Pérez Rodríguez

Jesús de Juana López

Vogal representante alumnado: Arturo Real López

11. Tesiña de Susana Blanco Rodríguez

Apróbase a solicitude de Tesiña por parte da alumna Susana Blanco Rodríguez titulada "*Origen y evolución del ejército terrestre y marítimo en la antigua Grecia (siglos XII-IV a.c.)*" baixo a dirección da profesora Susana Reboreda Morillo.

12. Rogos e preguntas

Despois de varias dúbidas suscitados por diversos profesores, acórdase que o Anexo III do PAT se envíe ao decanato, no momento que o docente o considere convinte.

Acórdase dicir ós delegados de curso que informen ao alumnado da conveniencia de que asistan ás titorias que se inclúen no PAT.


A profesora Beatriz Vaquero propón que se deixe evidencia das consultas do alumnado a docentes que non son os titores do PAT ou son extemporáneas.

Despois dunha xuntanza por parte da decana cos delegados de curso, xurdiu a inquedanza de que os alumnos de 1º non estean representados na delegación de alumnos nin nos órganos colexidados da facultade. De esta inquedanza xurde o compromiso por parte da delegación de alumnos de que os delegados de curso pertenzan á mesma.

A alumna M^a Ángeles Coello expuso que tras unha reunión co vicerreitor de campus se vai organizar un congreso no que se involucren todas as delegacións de alumnos do campus. Despois de que algunha das delegacións se votase atrás na organización, estase a traballar para determinar un tema común co que poder realizar este congreso.


E sen máis asuntos que tratar, levántase a sesión ás 13.25 horas, e de todo dou fé como secretaria.

A decana



Susana Reboreda Morillo

A secretaria



M Carmen Arribas Álvarez

XUNTA DE FACULTADE

ORDINARIA

13/02/2015

ARRIBAS ÁLVAREZ, MCARMEN
BARRIOCANAL LÓPEZ, YOLANDA
CASTRO LÓPEZ, LADISLAO
CID NARVÁEZ, DANIEL
COELLO FDEZ, M^a ANGELES
COMENDADOR REY, BEATRIZ
DÍAZ ALONSO, XOEL
DOMÍNGUEZ PEREIRA, M^a DOLORES
DURANY CASTRILLO, MERCEDES
FDEZ CONTRERAS, M^a CARMEN
GÓMEZ IGLESIAS, MONTSERRAT
GÓMEZ MANSO, BELÉN
JUANA LÓPEZ, JESÚS DE
LÓPEZ DÍAZ, MARÍA
MORODO DEL RÍO, JOSE
PÉREZ LOSADA, FERMÍN
PÉREZ RODRÍGUEZ, FCO. JAVIER
PRADA RODRÍGUEZ, JULIO
PRESEDO GARAZO, ANTONIO
REAL LÓPEZ, ARTURO
REBOREDA MORILLO, SUSANA
RODRÍGUEZ VELÁZQUEZ, ROBERTO
SÁNCHEZ DÍAZ, ROI
SIXIREI PAREDES, CARLOS
UÑA ÁLVAREZ, ELENA DE
VALÍN FERNÁNDEZ, ALBERTO
VAQUERO DÍAZ, BEATRIZ

ASISTENCIA	AUSENCIA XUSTIFICADA
SI	
	NO
SI	
	SI
	SI
SI	
SI	
	SI
SI	
SI	
SI	
	NO
SI	
SI	
	NO
SI	
	SI
SI	

PLATAFORMA CIDADÁ EN DEFENSA DO CASTELO DE MONTERREI
Apdo de correos nº 10
32600 Verín –Ourense

Comisión Permanente da Facultade de Historia
da Universidade de Vigo
Campus de Ourense

Dona Nieves Amado Rolán, DNI 34908681V telf. 616032649, en representación da Plataforma en Defensa do Castelo de Monterrei (Monterrei, Ourense),

EXPÓN:

A fortaleza, ou vila forte, de Monterrei está considerada o máis importante recinto defensivo de Galicia. Situado no concello do mesmo nome, na raia seca fronteiriza con Portugal, o seu desenvolvemento desde a Idade Media está unido ás guerras co país veciño.

Ademais do palacio condal, das torres e murallas, en Monterrei existiu unha pequena aldea, tres mosteiros, o importante colexio dos xesuítas, un hospital do s. XIII e a igrexa parroquial gótica. Foi aquí onde se instalou a primeira imprenta de Galicia, a finais do século XV. Un conxunto único, de gran relevancia histórica, artística e cultural. Un elemento fundamental na paisaxe real e sentimental dos habitantes da bisbarra.

No século XIX comezou a súa decadencia e abandono, perdendo gran parte do patrimonio arquitectónico construído ao longo dos séculos. Desde o ano 1931 ten a consideración de BIC.

Foi o estudoso verinés Taboada Chivite quen máis se preocupou pola recuperación e conservación de Monterrei, conseguindo que se rehabilitase o palacio e outras edificacións, cando ainda pertencia á Casa dos Alba.

En tempos recentes pasou ao Estado español, que no 2010 cedeullo á Xunta para fins culturais e de promoción turística da comarca. O monumento presenta un estado de conservación aceptable, a pesar do desleixo das autoridades, que nunca amosaron unha vontade seria de poñer en valor un elemento patrimonial desta magnitud.

En outubro do 2013, a Axencia de Turismo de Galicia iniciou as obras para rehabilitar e adecuar o castelo aos fins previstos no contrato de cesión, financiadas nun 80% con fondos FEDER. Porén, só un mes máis tarde, comenzaron os rumores, logo confirmados, de que se modificaba a finalidade das obras, construíndose un hotel no palacio e na antiga casa reitoral, é dicir, no núcleo do castelo. Ante este cambio, aparentemente improvisado e sen xustificación, formouse a Plataforma Cidadá en Defensa do Castelo de Monterrei, para loitar polo uso cultural e público da acrópole.

Segundo a Xunta, o hotel, de catro estrelas e con 13 habitacións, no castelo, suporá un revulsivo para o turismo e permitirá conservar o actual Parador, situado a só 400 metros, que se trasladará ao interior da fortificación. Houbo que renunciar aos fondos europeos e só coa dotación da Xunta estase a construir o hotel, para despois cederollo a Paradores. Iniciáronse as obras (que teñen provocado estragos denunciados pola Plataforma no xulgado) sen ter conseguido o cambio de cesión

por parte do Ministerio de Facenda. Non foi ata o 27 de xuño do 2014 que se publicou o cambio de cesión, engadindo de forma trampulleira o 'uso hoteleiro'.

A Plataforma presentou dúas denuncias, unha na Audiencia Nacional contra o cambio de cesión, e outra na Audiencia Provincial, contra a licenza concedida polo Concello de Monterrei para a construcción do hotel. As dúas foron admitidas a trámite polos organismos xudiciais.

As explicacións da Xunta carecen de fundamento, segundo a Plataforma. É irracional pensar que un hotel de 13 habitacións pode servir de estímulo da economía de toda unha comarca e, de ser necesario un hotel destas características, existen outras alternativas: os balnearios abandonados, ou mesmo o actual Parador. O verdadeiro reclamo para o turismo é o castelo, ben coidado e difundido. A Axencia de Turismo despreza o valor cultural de Monterrei, e insiste en que seguirá sendo público. Pero agora o conxunto quedará en mans de dúas administracións distintas sen un plan común, e o acceso público seriamente limitado polas necesidades do hotel e seus clientes. E tamén se racha coa percepción global do recinto, imprescindible para gozar e aprender coa visita do patrimonio cultural, undereito de tódolos los ciudadáns sen distincións sociais ou económicas. Outro argumento utilizado é o de que esta é a única maneira de conservar o castelo. Para nós esta afirmación é unha proba da incompetencia e desinterese das autoridades. É só unha cuestión de vontade e de prioridades, pero resulta escandaloso comprobar que os encargados de velar polo patrimonio público non saben como aproveitar a principal fortaleza de Galicia en beneficio da sociedade.

A día de hoxe seguimos sen saber por que se vai construír un hotel en Monterrei. Cremos que as explicacións da Xunta son só opinións sen unha base documentada, sen datos obxectivos, ou escusas que pretenden ocultar a verdade. En todo caso, estamos convencidos que é un proxecto que atenta non só contra o carácter público do patrimonio herdado, senón que vai ser un fracaso económico.

A loita da Plataforma viuse lexitimada no mes de outubro coa publicación do Informe do Consello da Cultura Galega sobre Monterrei, solicitado pola Plataforma, e co escrito do Valedor do Pobo, onde cuestiona a actuación da Axencia de Turismo en todo o proceso. A coincidencia de ambos documentos coas reclamacións e propostas da Plataforma é case total.

Tamén obtivemos o apoio da Comisión Permanente da USC.

Algúns profesores da Facultade de Historia desa Universidade, xa mostraron o apoio ás nosas reivindicacións apoiando a campaña de sinaturas da Plataforma, ou mediante accións de apoio e visibilidade relacionadas co Proxecto Alto Támega e o convenio que a Facultade de Historia ten asinado coa Asociación Cultural Alto Támega.

SOLICITA

Por todo o anterior, e tendo en conta a importancia histórica, artística e patrimonial de Monterrei, solicitamos da Comisión Permanente da Facultade de Historia da Universidade de Vigo o apoio ás reivindicacións da Plataforma:

- Suspensión das obras do hotel no castelo.
- Protección legal máxima para todo o conxunto.
- Creación dun Padroado coa participación das autoridades, institucións educativas-culturais e asociacións cidadáns que promova a posta en valor e supervise a xestión do monumento.
- Redacción e desenvolvemento dun Plan Director que poña en valor todo o conxunto, incluíndo as casas particulares e o espazo entre murallas, reservando o castelo para uso cultural e lúdico.
- Redacción dun Plan de Rehabilitación e adecuación dos espazos edificados e naturais coa necesaria dotación orzamentaria, que faga da acrópole un espazo atractivo para o lecer e a aprendizaxe da cidadanía.
- Promoción dos valores culturais e turísticos do recinto de Monterrei, conectándoos a outros moitos existentes na comarca, co obxectivo de fomentar as visitas turísticas e educativas.
- Deseño dun Programa de Actividades periódico lúdicas e culturais a desenvolver na vila fortificada de Monterrei, facendo dela un lugar vivo en beneficio de toda a sociedade.

En Verín, a 11 de febreiro do 2015

En representación da Plataforma Cidadá en Defensa do Castelo de Monterrei

Nieves Amado Rolán

Universidade de Vigo

Campus de Ourense

Facultade
de Historia



Campus de Ourense Tel. 988 387 100 www.historia.uvigo.es
32004 Ourense Fax 988 387 159 detho@uvigo.es
España

Don/a SUSANA BLANCO RODRÍGUEZ Licenciado
en HISTORIA solicita sexa admitido para realizar
a Tesis de Licenciatura titulada ORIGEN Y EVOLUCIÓN DEL EJÉRCITO TERRESTRE
Y MARÍTIMO EN LA ANTIGUA GRECIA (SIGLOS XII-IV A.C.) baixo a dirección
do Dr./a. Don/a SUSANA REBOREDA MORILLO e
actuará como ponente o Profesor Dr./a. Don/a _____

Ourense, _____ de DECEMBRO de 2014

Vº. Bº. O DIRECTOR

Asdo: SUSANA REBOREDA

O SOLICITANTE

Asdo: SUSANA BLANCO

ILMA. SRA. DECANA DA FACULTADE DE HISTORIA DE OURENSE